

Nhwehwemu foforo a wahu

Adesua no nhwehwemu akyi nsem

Nnipa a wawo nnipadua mu haw hyia nsensem ahodoɔ wo sikasem, ahonya, ne won gynabea ne sɛdeɛ afoforo ne won di ho.

Nnipa a wawo nnipadua mu haw hyia nsennennen pii a ene peye a enni ho bo abusua keɛɛ. Nanso, peye a enni ho ho dwumadie ntaa nhye da nni nsennennen pɔtee a Nnipa a wawo nnipadua mu haw hyia no ho dwuma. Wei ho hia efise wiase no mu Nnipa a wawo nnipadua mu haw ɔpepɛm baako ne ɔpepɛm mmiensa (1.3billion) no fa keɛɛ ye won a wɔrehyia peye a enni ho. Bere koro ara mu no, eto mmerɛ bi a nnipadua mu haw akuo pere sɛ wobedi peye a enni ho no ho dwuma koraa.

Saa nhwehwemu yi hwehwɛ nea enti a nsonsonoe da nnipadua mu haw dwumadie ne peye a enni ho ho dwumadie a etrɛw ntam. Na ne botaeɛ ne sɛ ebete sɛdeɛ asatufɔɔ a wawo Ghana ne Kenya susuww nnipadua mu haw ne peye a enni ho ho. Nhwehwemu no nso hwɛ nneɛma a emma nnipadua mu haw ne peye a enni ho ho asatufɔɔ kwan sɛ wɔnye biako ne nneɛma a ehye biakoye mu den. Yene asatufɔɔ yɛ adwuma de hwehwɛ akwan a yɛbɛfa so ama nkitahodie a ɛda nnipadua mu haw ne peye a enni ho ho adwumayekuo ne won ahyehyɛdeɛ ntam no atu mpon.

Wo nkratafa a ɛdidi soɔ yi mu no, wobehu nhwehwemu no mu nsem tiawa, akwan a wɔfaa so yɛ adwuma, nea wɔhuui, ne nnwinnadeɛ a mfasoɔ wo so a wɔnya fii adwuma no mu nso. Wo nsem no awiei no, nsemfua nhyehyɛ bi wo ho a ɛkyerɛkyerɛ nsem titire a wɔde dii dwuma.

Nhwehwemu adesua akwan

Yen nhwehwemu kuo no mufo pii anya abrabo mu suahu afa nnipadua mu haw ho. Yene nhwehwemufo ahodoɔ ahodoɔ a wawo abrabo mu suahu a ɛfata a wɔde won ho hye ɔsatu mu dii dwuma. Na eyi ye nkyerɛkyerɛ nhwehwemu a ɛde adeye mu nnyinasoseɛ dii dwuma. Wei kyere sɛ eka adwene a ɛfa dwumadie ho a egyina nhwehwemu no mu nsem so. Wei beboa won a wɔde won ho hyɛ nhwehwemu no mu nyinaa. Yen nhyiamu no maa won a wɔbaa nhyiamu no kyere won adwene na wɔboom yɛ dwumadie nhyehyɛɛ a egyina nea yɛhuu no so. Saa nhwehwemu yi nso hyɛ da maa nkitahodie a ɛko so wo mmeae ahodoɔ a ɛwo nnipadua mu haw ne peye a enni ho no ntam no yɛ mmerɛw.

Wo saa nhwehwemu yi mu no, yɛbisabisaa nnipa aduasa (30) nsem. Na fa wo Ghana na fa nso wo Kenya. Wo ɔman biara mu no, yɛbisabisaa nnipadua mu haw asatufɔɔ awɔtwe ne peye a enni ho ho adwumayefɔɔ baason nsem. Yede sii yen ani so sɛ yɛbenya nnipa ahodoɔ ahodoɔ a wɔde won ho behye mu. Na ɔmo a ɔmo de ɔmo ho hyɛ mu no wo honam mu haw anaa ɔhaw ahodoɔ. Na eye mmarima ne mmaa a wɔadi afrafra. Ebinom yɛ adwuma wo nkuro akɛɛɛ mu na afoforo nso yɛ adwuma wo nkuraase mmeae pii. Na ebinom wo mfee pii suahunu wo ɔsatu mu, na afoforo de, na eye ade foforo ma won. ɔmo a ɔmo de ɔmo ho hyɛ mu no bi ne: asatufɔɔ a wɔde won ho, ne mpɔtam, ɔman, ne ɔmantam ahyehyɛde adwumayefɔɔ ahodoɔ nyinaa.

Yɛwɛɛ nsembisa no, yɛhwɛhwɛɛ nea yɛhuu no mu. Afei yɛtoo nsa frɛɛ ɔmo a ɔmo de ɔmo ho hyɛɛ mu no sɛ wɔmfɛ wɔn ho nhyɛ kuo nsembisa a emu dɔ mu. Na akuo no yɛ mmienɔ wɔ ɔman biara mu; biako ma nnipadua mu haw asatufɔɔ, na biako nso ma wɔn a wɔyɛ pɛyɛ a enni ho ho adwuma. Yɛwɛɛ wei no, yɛsan hwɛhwɛɛ nea yɛhui no mu bio. Yɛgyinaa wei so yɛɛ nnwinnade ne akwan ahodoɔ a yɛbɛfa so aboa nkurɔfo ma wɔadi akwansidɛɛ ahodoɔ a ɛmma wɔntumi nye adwuma mbom no so. Afei yɛboaboa obiara ano wɔ adwumayɛbea kɛsɛɛ bi mu, biako wɔ ɔman biara mu. Ɛha yi, nkurɔfo kaa nhwɛhwɛmu a wɔhunuu no ho aɛm na wɔsɪi so dua na wɔde wɔn adwene maaɛ wɔ nnwinnadɛɛ a wɔayɛ no ho. Obiara san hwɛ nnwinnadɛɛ a wɔde yɛ nhyehyɛ no mu bio ansa na yɛboaboa nyinaa ano.

Hia a ɛho hia sɛ nhwɛhwɛmu no bɛdu bɛbiara.

Yɛyɛɛ yɛn nhwɛhwɛmu ne nɛm a yɛbɛboaboa ano ho nhyehyɛ sɛdɛɛ ɛbɛyɛ a obiara betumi de ne ho ahyɛ mu koraa. Yɛbisaa obiara mmoa a ohia na ama watumi de ne ho ahyɛ mu na yɛde sika asi ho de atua saa ahiade ahodoɔ no ho ka. Ansa na yɛbɛyɛ nhyiamu biara (nsembisa anaa adwumayɛbea) no, yɛhwɛ nkurɔfo akwanya ho ahiadɛɛ ahodoɔ nso. Eyi te saa efisɛ nkurɔfo ahiadɛɛ betumi asesa bere biara anaa esiane tebea pɔtɛɛ bi nti.

Nnɛɛma a yɛyɛɛ de maa nhwɛhwɛmu no yɛɛ mmerɛw no bi ne nɛm a yɛkyɛɛɛ ase kɔɔ Swahili ne Twi kasa mu ne kasa nkyɛɛase ma wɔn a sɛbe wɔntɛ aɛm na wɔntumi nkasa. Na yɛwɔ nnɛɛma a ɛyɛ mmerɛw sɛ wɔbɛkenkan wɔ ‘skriin’ (screen) so ne nkyɛɛwɛɛ akɛsɛɛ a wɔde tintim nkrataa so. Yɛde mmofrahwɛ mmoa maaɛ na yɛtuua ɛka nyinaa maa ankorankorɛ aboafɔɔ, nea ɛboa ma wɔhu ade ne adwumayɛfɔɔ a wɔboa wɔn no.

Apene ne mmoa a wɔde maa wɔ nhwɛhwɛmu no ho

Nhwɛhwɛmu no nyaa apene fii ‘London School of Economics’ a ɛwɔ UK, ‘Kwame Nkrumah’ Sukuupɔn a ɛhwɛ Nyansahu ne Mfiridwuma so (KNUST) wɔ Ghana ne ‘Amref’ a ɛwɔ Kenya. Yɛwɔ nhwɛhwɛmu tumi krataa nso a efi ‘Nacosti’ a ɛwɔ Kenya ho.

Saa nhwɛhwɛmu yi, kuo a wɔde wɔn ho hyɛɛ mu bi ne; ananmusifɔɔ a wɔfiri ‘Ghana Federation of Disability Organisations’, ‘United Disabled Persons of Kenya’ ne ‘Kwame Nkrumah University of Science and Technology’.

Nnɛɛma atitire a wɔahu



Nhwɛhwɛmu no hwɛhwɛ nnɛɛma atitire mmiensa mu:

- Nnipadua mu haw ne pɛyɛ a enni ho ho nteaseɛ
- Akwansidɛɛ ahodoɔ a ɛmma nnipadua mu haw ne pɛyɛ a enni ho akuo ahodoɔ nye adwuma mbom.
- Sɛdɛɛ wɔbɛhyɛ nnipadua mu haw ne pɛyɛ a enni ho akuo no mu den

1. Nteaseɛ a ɛfa nnipadua mu haw ne pɛyɛ a enni ho ho

Nnipadua mu haw nteaseɛ wɔ afa ahodoɔ pii na ɛsesa bɛɛ nyinaa.

Ɔmo a ɔmo de ɔmo ho hyɛɛ mu no daa adwene ahodoɔ pii adi wɔ nnipadua mu haw , pɛyɛ a enni ho ne abusuabo a ɛda wɔn ntam no ho. Na saa nkitahodie ahodoɔ yi wɔ afa ahodoɔ pii na ɛsakra bɛɛ nyinaa. Wɔn a wɔyɛ nnipadua mu haw ne pɛyɛ a enni ho ho adwuma nyinaa kae sɛ asetena ne amammerɛ mu adwene na ɛkyɛɛ nnipadua mu haw . Wɔkaa sɛdɛɛ animtiaabuo ne adwene a ɛntɛɛ kyɛɛ sɛdɛɛ wɔhu nnipadua mu haw ho aɛm. Nhwɛsoɔ ne sɛ, wɔbɛbu nnipadua mu haw sɛ nnome. Ɔmo a ɔmo de ɔmo ho hyɛɛ mu no nyinaa daa asetena mu su ahodoɔ yi adi, sɛ ɛnye na wɔpoo no koraa. Nanso wɔhyɛɛ no nsow sɛ saa adwene ahodoɔ yi abu so kɛsɛɛ paa wɔ wɔn mpɔtam ho.

Ɔmo a ɔmo de ɔmo ho hyɛɛ mu no nso kaaɛ sɛ nnipadua mu haw tumi ba esiane nhyehyɛɛ mu nneɛma. Ebi te sɛ nhomasua ne sikasɛm mu akwanya ahodoɔ a wɔnnya anaasɛ nnwuma a enni ho na eyi Nnipa a wɔwɔ nnipadua mu haw firi mu. Ɔmo a ɔmo de ɔmo ho hyɛɛ mu no tee aseɛ sɛ nnipa suban ne asetena mu nhyehyɛɛ nyinaa nya nnipadua mu haw so nsunsuanso. Na saa nteaseɛɛ yi ne sɛdɛɛ wɔsusuwu pɛyɛ a enni ho no bɔ abusua. Wɔhuu pɛyɛ a enni ho sɛ ɔhaw a ɔmanfoɔ ne nhyehyɛɛ ahodoɔ na ɛde ba, na ɛnye ankorankorɛ nkutoo.

Berɛ korɔ no ara mu no, wɔn a wɔde wɔn ho hyɛɛ mu no pii kaa nnipadua mu haw ho asɛm sɛ eyɛ ɔhaw ankasa, ɛnwie pɛyɛ na ɛhia nsiesie. Afoforɔ nso buu nnipadua mu haw sɛ ɔkwan a ɛka obi adwumayɛ ahokeka. Wɔkyerɛkyerɛɛ sɛdɛɛ nnipadua mu haw betumi ama ayɛ den sɛ obi bɛyɛ ne nnwuma sɛdɛɛ ɛsɛɛ ɔyɛ. Eyi kyere sɛdɛɛ adwene a ɛntɛɛ a nkurɔfo kura wɔ nnipadua mu haw ho, sɛ, wɔntumi nye hwee no agye ntini kesɛɛ wɔ ɔmanfoɔ mu. Nnipa a wɔgye too mu sɛ pɛyɛ a enni ho ka Nnipa a wɔwɔ nnipadua mu haw no mpo betumi ada saa adwene a ɛntɛɛ yi adi.

Ɔmo a ɔmo de ɔmo ho hyɛɛ mu no kaa sɛ nteaseɛɛ a wɔwɔ wɔ nnipadua mu haw ho asesa berɛ tenten yi. Wei te saa esiane nteteeɛ anaasɛ nkitahodie a wɔ ne Nnipa a wɔwɔ nnipadua mu haw adi nti. Wɔkaa sɛ kan no na wɔhu nnipadua mu haw sɛ eyɛ ɔhaw ankasa. ɛna wɔkyerɛkyerɛɛ sɛ afei de wɔhu no sɛ eyɛ biribi a afiri ɔmanfoɔ nyiyim.

Nnipa pii a wɔde wɔn ho hyɛɛ mu a wɔwɔ nnipadua mu haw kaa sɛ nnipadua mu haw nhyehyɛɛ yɛ nnidisɔɔ. Eyi kyere sɛ wɔbu nnipadua mu haw binom sɛ eyɛ soronko anaa aniberɛsɛm sen afoforɔ. Nhwɛsɔɔ; ebia wɔbɛbu wɔn ani agu nnipadua mu haw a ahinta anaa nnipa pii nnim so. Anaasɛ ebia nnipa a wɔwɔ adwenemyarɛɛ anaa adwene mu haw bɛhyia animtiaabu kesɛ asɛn afoforɔ, wɔ nnipadua mu haw abusua no mu mpo.

Wɔhu nnipadua mu haw ne pɛyɛ a enni ho sɛ ɛbɔ abusua

Ɔmo a ɔmo de ɔmo ho hyɛɛ mu no dodoɔ no ara gyee pɛyɛ a enni ho no nkyerɛkyerɛmu too mu kyɛn senea wɔkasaaɛ na wɔsusuwu nnipadua mu haw ho. Ɔmo a ɔmo de ɔmo ho hyɛɛ mu no mu dodoɔ no ara kyerekyerɛɛ pɛyɛ a enni ho mu sɛ, wonni nneɛma ne akwanya ahodoɔ pii, a amammui nsunsuanso anaa gyinaesie a wonni ka ho. Wɔhuu saa akwanya a wɔnni yi sɛ ɛbata ankorankorɛ bi nipasu ho. Nhwɛsɔɔ; obi betumi ahyia asiakwan ahodoɔ esiane sɛdɛɛ ɔmanfoɔ hu ne bɔbeasu anaa abusuakuo nti.

Nnipadua mu haw asatufɔ na wɔkyerɛɛ abusuabɔ a emu yɛ den a ɛda nnipadua mu haw ne pɛyɛ a enni ho ntam. Saa asatufɔɔ yi maa nhwɛsɔɔ a emu da ho a ɛkyerɛ sɛdɛɛ nnipadua mu haw ne pɛyɛ a enni ho di nkitaho, a egyina wɔn ankasa ne wɔn adwumayɛ mu suahunu so.

Ɔmo a ɔmo de ɔmo ho hyɛɛ mu no bi de nnipadua mu haw ne pɛyɛ a enni ho bataa ho sɛ ɔhaw ahodoɔ a ɛboaboa ano na ɛtoatoa so. Wɔ saa kwan yi so no, wɔbuu nnipadua mu haw sɛ pɛyɛ a enni ho pii no mu baako. Nnipa kakraa bi nso susuwu sɛdɛɛ nnipadua mu haw ne pɛyɛ a enni ho ne wɔn ho wɔn ho di nkitaho. Wei kyere sɛ wɔhuu sɛ obi betumi ahyia nyiyim a ano yɛ den a ɛne ne nipasu afa ahodoɔ bɔ abusua, te sɛ ne bɔbeasu ne nnipadua mu haw .

Saa adwene ne nteaseɛɛ yi a ɛfa nnipadua mu haw ne pɛyɛ a enni ho ho no boa yɛn ma yehu nea enti a akwansideɛ ahodoɔ bi wɔ ho. ɛkyere nea enti a nnipadua mu haw ne pɛyɛ a enni ho akuo ahodoɔ ntam biakoyɛ betumi ayɛ den. Wɔbetumi nso aboa ma wɔahu akwanya ahodoɔ a wɔde bɛhyɛ nkabom adwumayɛ mu den na ama wɔn ho wɔn ho nteaseɛɛ atu mpon.

“Mako nhyiam ahodoɔ pii aseɛ a na ahyehyɛdɛɛ ahodoɔ ka honam mu haw ho asɛm, nanso na obiara nni dan no mu a ɔwɔ honam mu haw.” -
Pɛyɛ a enni ho Satufɔɔ, Kenya

2. Akwansidee ahodoɔ a ɛda nnipadua mu haw ne peɣe a enni ho kuo ntam

Hia ne nteaseɛ a ɛwɔ nkabom adwumaye mu

Esiane se nsennennen ne nsem a efa asetena mu atɛntrenee ho a nnwuma mmienun no nyinaa di ho dwuma no ye nea emu ye den na ɛwɔ abusuabo nti, omo a omo de omo ho hyee mu no kaa hia a ehia se nnwuma abien no ye biako ho asem. Wɔhuu se nkabom ma nkurofoɔ sua biribi firi won ho won ho na wɔka osuahu ahodoɔ bom de hye akuo ahodoɔ mu den. Nkabom betumi ama wɔanya adwene papa bi wɔ sedee wɔbedi nsennennen ho dwuma, de nimdee ne ahooɔden ahodoɔ a nnipa ahodoɔ de ba no adi dwuma. Eboa nso wɔ nneema a wɔkye na wɔboaboa ano de di nsennennen ho dwuma mu. Nkurofoɔ tee aseɛ nso se wɔka bom a wɔbetumi atre nsakrae akwanya ahodoɔ mu sen se wɔne won ho won ho besii akan. Nnipa pii a wɔfiri nnwuma mmienun no nyinaa mu kaa se ɛse se wɔde atirimpɔ a emu da ho ye baako. Eɛ se wɔbu no se ade a ɛko so. Eɛ se akuo mmienun no nyinaa gye tom na wɔka obiara ho na ama wɔabom anya nsunsuanso ne asodie pa.

Nnipadua mu haw asatufɔɔ, titire, sii hia a eho hia se wɔde won ka ho wɔ nteaseɛ kwan so no dua. Wɔsii hia a ehia se wɔnya akwanya, kwati animtiaabu ne nsusuwii hunu, na wɔgyae se wɔde nsɛnkyerennede di dwuma so dua. Wɔhyee se wɔmfa won nka ho ankasa. Wei boa ma wɔhwe hu se Nnipa a wɔwɔ nnipadua mu haw de won ho hye gyinaesie mu wɔ nkabom fa biara mu. Peɣe a enni ho ho adwumayefɔɔ nso kaa se nsennennen a ɛwɔ baakoye mu betumi afa mmienun no nyinaa aba. Nhwesoo: animtiaabu ne nyiyim betumi ama wɔato akuo bi ato nkyen, te se nnipa a wɔwɔ adwenemyareɛ, LGBTQ+ nnipa ne Nnipa a wɔwɔ nnipadua mu haw a wɔnnhye da nnim won saa.

Akwansidee ahodoɔ a ɛmma wɔntumi nye baako no bo abusua

Omo a omo de omo ho hyee mu no kyereɛ akwansidee ahodoɔ pii a ɛbo abusua a ɛka nkabom a ɛda nnipadua mu haw ne peɣe a enni ho ho asatufɔɔ ne akuo ahodoɔ ntam. Saa akwansidee yi tumi de nsennennen ba wɔ mmere ahodoɔ mu.

Te se bere a wɔrehye nkabom adwuma bi ase, wɔrehwe ama anyin na wɔahwe akura mu. Saa akwansidee yi gu ahodoɔ anan: animtiaabuo ne adwene a ɛntee, nimdee ne nteaseɛ mu nsonsonoeɛ, akansie wɔ nneema a wɔde ye adwuma ho, ne aphotoso a wɔnni.

Animtiaabu ne nsusuwii hunu: Adwene bone a efa nnipadua mu haw ho no de akwansidee ahodoɔ ba baakoye mu. Nhwesoo: omo a omo de omo ho hyee mu no kaa se ebia nnipa binom besusuw se asatufɔɔ a wɔwɔ nnipadua mu haw no nni nimdee pii sen adwumayefɔ afoforɔ. Omo a omo de omo ho hyee mu no nso kaa se wɔbu nnipadua mu haw ahodoɔ bi animtiaa keɛse sen afoforɔ. Wei kyere se ebia nkurofoɔ bepe se wɔne Nnipa a wɔwɔ nnipadua mu haw akuo bi bepe baako asen afoforɔ. Wei te saa, titire, bere a nnipa a wɔwɔ honam mu haw bi hia nsakrae akeseɛ na ama wɔatumi de won ho ahye mu koraa no. Asatufɔɔ kaa se wei ye wɔhaw wɔ nnipadua mu haw adwumayekuo mu ne adwuma a wɔne peɣe a enni ho kuo no bom ye mu. Akuo nketewa a ɛwɔ nnipadua mu haw kuo no mu, te se, LGBTQ+ nnipa anaa nnipa a won adwene mu ye won naa nso nyaa animtiaabuo keɛseɛ sene nnipadua mu haw asatufɔɔ foforɔ.

Nimdee ne nteaseɛ: Omo a omo de omo ho hyee mu no kaa se won a wɔye peɣe a enni ho ho adwuma pii wɔ nnipadua mu haw ho nteaseɛ kakraa bi. Ne saa nti, won a wɔye nnipadua mu haw ho adwuma nya nhyesoɔ bere nyinaa se wɔnkyerekyerɛ afoforɔ nnipadua mu haw ho adeɛ. Saa adesoa a ɛboro so yi nya won atenska, nneema ne won ahooɔden so nsunsuanso bone.

Nteaseɛ kakraa bi na ɛwɔ nkitahodie a eda nnipadua mu haw asatufɔɔ binom ntam. Nhwesoo: ebia saa asatufɔɔ yi bebɔ won ani agu sedee esono mmaa a wɔwɔ nnipadua mu haw suahunu wɔ mmarima deɛ ho. Biakoye betumi aye den bere a nnipadua mu haw asatufɔɔ ne peɣe a enni ho ho asatufɔɔ nte won ho won ho adwene ase yiye no.

Na eye nnipadua mu haw asatufɔɔ se won a wɔye peɣe a enni ho ho adwuma no ani nka saa, se wɔne Nnipa a wɔwɔ nnipadua mu haw ne won akuo bepe adwuma. Peɣe a enni ho asatufɔɔ bi nso kaa saa wɔhaw yi ho asem. Nnipadua mu haw asatufɔɔ huu se peɣe a enni ho ho adwumayefɔɔ a wɔnya saa atenska no fi osuahu ne nimdee a wonni so.

Nanso, peye a enni ho ho adwumayefo tee nka se saa chaw yi fi nsennennen a ewo akwanya a wode ma no mu. Na eye den ma peye a enni ho ho adwumayefo bi nso se wobesi nnipadua mu haw akuo a wone won beye baako no ho gyinaee.

Asatufoc a wowa nnipadua mu haw nso kaa akwansidee ahodoc a wohyia da biara da bere a wone peye a enni ho ho adwumayefo reye adwuma, a wotaa bu won ani gu so no ho asem. Nea eka ho ne, nsem a wontumi nnya, dwumadie ahodoc, akwantuo ne nhyiam ahodoc. Se wanni won ahiadee a efa akwanya ho no ho dwuma yie a, eye den ma asatufoc a wowa nnipadua mu haw se wone aforoc beye adwuma abom.

Sikasem ho akansi: Asatufoc no kaa se mpen pii na wone won ho won ho si akan fa nneema kakraa bi a ewo ho no ara ho. Wotaa sikasem nhyehyee ahodoc ho asem se ehye akansi ho nkuran, sen se ebema woye baako. Wei de mpaapaemu ba asatufoc nhyiamu na emma wontumi nkye nimdee.

Sika ho mmara a ano ye den, te se bere tiaa anaa sikasem mu ahwehwedee a emu ye den, de akwansidee akese ba ahyehyedee nketewa so. Sikasem nhyehyee dodoc no ara nhwehwe se nnwuma ahodoc besusuw Nnipa a wowa nnipadua mu haw ho se wobenya bi anaa wode won beka ho mpo. Peye a enni ho ahyehyedee ntaa nsusuw nnipadua mu haw mfa won nka ho bere a woreye sikasem ho nhyehyee. Wei ma eye den se wo ne nnipadua mu haw akuo beye baako akyire yi. Ebia won a wode sika ma no behu ahyehyedee ahodoc a won a wowa nnipadua mu haw ka ho, se won sikasem ho nhyehyee bo ye den na mfasoc a wobenya afiri mu no nye nea ese.

“Se wobehu obi a cwo honam mu haw yie, anaase wobete obi asee yie a, ese se wo ne nnipa no tena na wote nnipa no asee. Enti, meka se, se woyi honam mu haw fi peye a enni ho nkommobc mu a, ebema nyiyimu akc so.” - Peye a enni ho Satufoc, Kenya

Ahotosoc ho nsensem: Se akansi ba wo nneema kakraa bi ho a, na ehaw asatufoc binom se akuo aforoc begye won adwene a womma won din won anaase womfa won nka ho mpo. Na ehaw won se aforoc de saa nsusuwii koro yi ara bedi dwuma de anya sika anaa akwanya aforoc. Nhwesoc: ebia wode nnipadua mu haw akuo ahodoc beka sikasem nhyehyee ho mu nanso afei, womfa won nka adwuma a wode bema ho no yie.

Nnipadua mu haw asatufoc binom nso bco amannee se wode won hye mu keke nanso wonni tumi biao Wei ne bere a kuo bi, anaa kuo bi ananmusifoc bi wo ho nanso wonni nsunsuanso papa biara. Nhwesoc: ebia wobeto nsa afre won aba nhyiam bi asee nso womma won mmoa a efata na watumi akasa. Wei see ahotosoc na ema baakoye ne nkabom ye den ankasa.

“Nkabom adwuma papapaa ye dee ede nkonimdie ba, na biakoye, adwene foforc ne anigye nso wo ho. Se nkurcfo ye baako a, wobom ye adwuma de hye nne bi den na woma eye kesee. Awiei no, mote nka se mo ani asc, efise moahu se mo baakoye no so aba mfasoc ankasa.” - Peye a enni ho Satufoc, Ghana.



3. Sɛdɛɛ wɔbɛhyɛ nkabom ne biakoyɛ a ɛda nnipadua mu haw ne pɛyɛ a enni hɔ akuo ntam no mu den

Yɛhwɛhwɛ akwansidɛɛ ahodoɔ ne nyansahyɛ ahodoɔ a efi ɔmo a ɔmo de ɔmo ho hyɛɛ mu no hɔ. Wei daa nneɛma atitire mmiensa a ɛbɛhyɛ baakoyɛ mu den na ama atu mpon adi.

Nneɛma a wɔkyekyɛ no pɛpɛpɛ

Akwansidɛɛ ahodoɔ a efi nnipa suban mu ba, ne nhyɛhyɛɛ ne asetena mu akwansidɛɛ ahodoɔ no de pɛyɛ a enni hɔ ba wɔ nneɛma, ahotosoɔ ne nimdɛɛ mu. Sika a wɔde ma no di dwuma titire wɔ sɛdɛɛ wɔbɛma nnipa ayɛ pɛ. Nanso, nneɛma a wɔde ma no trɛw sen sikasɛm mu mmoa ara kwa. Ɛsan nso fa suban, ntetɛɛ ne nimdɛɛ ho. Nhwɛsoɔ: ebia wɔbɛbu nnwuma a wɔbɛyɛ ama akuo a wɔabu wɔn animtiaa no sɛ ɛnyɛ nea ɛfata sika pii. Ebia pɛyɛ a enni hɔ akuo no nni abrabo mu nimdɛɛ ne osuahu wɔ nnipadua mu haw ho. Ɛto mmɛrɛ a, nnipadua mu haw akuo nni mfidwuma ho nimdɛɛ bi esiane akwanya kakraa bi a wɔwɔ nti.

Ɔmo a ɔmo de ɔmo ho hyɛɛ mu no kaa sɛ wɔbɛtumi ama nneɛma a ɛnyɛ pɛ ne baakoyɛ ho nsennennen atu mpon a, ɛnam nneɛma a wɔde wɔn ho bɛhyɛ mu te sɛ:

- Ntɛtɛɛ a wɔbom yɛ de hyɛ adesua ne nkɔmmɔdie ho nkuran wɔ nnipadua mu haw ne pɛyɛ a enni hɔ akuo ntam.
- Sika a wɔde ma de hyɛ nkabom ne biakoyɛ ma Nnipa a wɔwɔ nnipadua mu haw ne wɔn ananmusifoɔ akuo nkuran. Ebetumi ayɛ adwuma te sɛ nnwuma a ɛhwɛhwɛ sɛ ahyɛhyɛdɛɛ ahodoɔ nya mfasodɛɛ pɔtɛɛ bi ma mmaa ne mmaawa wɔ wɔn nhyɛhyɛɛ nyinaa mu.
- Sikasɛm nhyɛhyɛɛ a wɔbom yɛ ne sikasɛm ho akontaabuo a emu da hɔ de kanyan ahotosoɔ ne baakoyɛ asɛdɛɛ.
- Sikasɛm, nwomasua ne mmoa a wɔbɛhyɛhyɛ de ama wɔ akwan a ɛnyɛ den sɛ Nnipa a wɔwɔ nnipadua mu haw ne wɔn ahyɛhyɛdɛɛ ahodoɔ betumi de adi dwuma so.

Nkabom adwuma a wɔhyɛ da yɛ

Mprempren yi, nkabom adwuma a ɛda nnipadua mu haw asatufɔɔ ne pɛyɛ a enni hɔ adwumakuo ntam no sua na ɛtaa yɛ nea wɔnyɛ ho nhyɛhyɛɛ kora. Nkabom adwumayɛ nso betumi ayɛ senkyɛrɛnnede bi kɛkɛ de adi sikasɛm ho ahwɛhwɛdɛɛ ahodoɔ ho dwuma. Ɛba saa a, wɔnhyɛ da mfa nnipadua mu haw akuo nka ho na wɔnya mfaso biara mfiri mu nso. Nkabom adwumayɛ bɛhyia nsennennen ne akwansidɛɛ sɛ wɔto nsa frɛ adwumayɛfɔɔ a wɔwɔ nnipadua mu haw sɛ wɔmfɔ wɔn ho nhyɛ mu bɛrɛ a wɔawie nhyɛhyɛɛ ahodoɔ no nkutoo.

Nkabom adwumayɛ a ɛtu mpon hwɛhwɛ sɛ wɔhyɛ da, yɛ ho nhyɛhyɛɛ yiye na wɔbom yɛ firi mfitiasɛɛ. Ɛsɛ sɛ wɔtɛ nkabom adwumayɛ ase sɛ adɛyɛ ne fekubɔ a ɛkɔ so, na mmom ɛnyɛ ade anaa dwumdie a ɛkɔ so pɛnkoro. Ɛsɛ sɛ wɔbu nkabom adwumayɛ sɛ akwanya a wɔde sua biribi firi wɔn ho wɔn ho hɔ, sɛ atipɛnfo.

Wɔn a wɔkɔɔ nhyiam no kamfoo akwan a edidi so yi a wɔbɛfa so ama nkabom adwumayɛ atu mpon:

- Nhyɛhyɛɛ a wɔbɛyɛ ama Nnipa a wɔwɔ nnipadua mu haw de ahwɛ sɛ wɔbɛnya mu kwan na wɔde wɔn bɛka ho firi mfitiasɛɛ. Wei ne sikasɛm nhyɛhyɛɛ, dwumadie ahodoɔ, nkɔmmɔdie, ne abɔnten so nkitahodie.
- Ahotosoɔ ne akontaabuo wɔ nkabom adwumayɛ ahodoɔ nyinaa mu. Te sɛ wɔbɛdwene gyinabea, sikasɛm nhyɛhyɛɛ a ɛda adi pɛfɛɛ ne baakoyɛ asɛdɛɛ ho.
- Sɛ wɔbɛbom de botɛɛ koro ayɛ nnwuma abom
- Sɛ wɔbɛnam nkɔmmɔɔ ne adesua so de ahyɛ adwenekyɛ ho nkuran.

Sɛ wobɛtɛ nnipadua mu haw ne nkitahodie aseɛ

Nnipadua mu haw ka nnipa biara, mmusuakuo, bobɛasu, nna ho akɔnnɔ ne asetena mu sikasɛm mu tebea ahodoɔ nyinaa. Na ɛda adi keɛɛ sɛ Nnipa a wɔwɔ nnipadua mu haw bɛtena ohia mu sen afoforɔ, a abrabo mu akwanya ahodoɔ a wɔnya no sua. Nanso, ankorankorɛ biara taa te nnipadua mu haw ase wɔ ɔno ankasa ne kwan so. Wei kyere sɛ wɔde wɔn adwene si obi apɔwmuden mu nhwehwɛmu so, na wɔnsusuw nnipadua mu haw ho wɔ asetena mu su ahodoɔ a obi wɔ, ne tebea ahodoɔ a ɔwɔ mu ho.

Wei bɛtumi ama akuo ahodoɔ ayera anaasɛ wɔrenni wɔn nɛm ho dwuma. Wɔ nnipadua mu haw akuo mu no, yɛbetumi ahu sɛ wɔbu nnipadua mu haw sɛ ade baako a ɛyɛ pɛ. Wei bɛtumi ama wɔayi Nnipa a wɔwɔ nnipadua mu haw ahodoɔ bi ne nnipa a wɔato wɔn hintidua afi mu. Wɔ pɛyɛ a enni ho kuo mu no, wɔbɛtumi abu wɔn ani agu nnipadua mu haw so koraa efisɛ wɔnnɛye abusuabo a ɛda nnipadua mu haw ne pɛyɛ a enni ho ntam no nto mu.

Ɛsɛ sɛ nkabom adwumayɛ gyina nteaseɛɛ a ɛfa nhɛhyɛɛɛ mu abusuabo a ɛda nnipadua mu haw ne pɛyɛ a enni ho ntam so. Wɔkaa sɛ ɛsɛ sɛ asatufɔɔ hu nnipadua mu haw ahodoɔ ne sɛdɛɛ ɛne asetena mu nipasu ne tebea afoforɔ di nkitaho. Wɔtuu fo sɛ ɛsɛ sɛ asatufɔɔ nya nimdɛɛ a wɔde bɛpɛ ahu na wɔakasa atia akwan a wɔfa so bu nnipadua mu haw ho animtiaa. Awiei koraa no, wɔsɪi so dua sɛ ɛsɛ sɛ asatufɔɔ da wɔn ankasa osuahu mu nokwasɛm a ɛda pɛyɛ a enni ho ahodoɔ, na emu yɛ den adi.

Sɛdɛɛ ɛbɛyɛ a wɔbɛhyɛ nteaseɛɛ a ɛfa nnipadua mu haw ne nkitahodie ho mu den no, wɔn a wɔkɔɔ nhyiam no kamfoo akwan a edidi so yi:

- Ɛsɛ sɛ akuo boa asatufɔɔ ma wɔsusuw abrabo mu osuahu ahodoɔ a ɛfa ntɛnkyɛa ho. Ɛsɛ sɛ wɔyɛ wei wɔ ahɛhyɛdɛɛ ahodoɔ a wɔde wɔn adwene si nnipadua mu haw ne pɛyɛ a enni ho so, ne wɔn mmɛrɛ no nyinaa so.
- Ɛsɛ sɛ asatufɔɔ dwene tumi nhɛhyɛɛɛ a ɛwɔ akuo ahodoɔ mu, a sɛdɛɛ wɔn ankasa tumi, wɔn ahodɛɛ, ne mfasoɔ ka afoforɔ ka ho. Ɛsɛ sɛ wɔtu anammɔn nso de kyɛ ɛyinom wɔ ɔkwan a ɛfata so.

- Ɛsɛ sɛ akuo hwɛ hu sɛ nnipa a wɔafa abrabo mu nhwɛsoɔ ne nyiyim mu no bɛtumi anya gyinaesie so nsunsuanso wɔ ɔkwan a nteaseɛɛ wom so.

“Sɛ yɛpɛ sɛ yɛyɛ ɔman a pɛyɛ wɔ mu na ɛtɛɛ a, ɛsɛ sɛ yɛdɛ nhɛhyɛɛ pa a emu da ho toto akwan mu ma Nnipa a wɔwɔ nnipadua mu haw na agyɛ ankorankorɛ nsonsonoɛɛ a agyina wɔn haw anaa honam mu haw ahodoɔ so atom.” - Nnipadua mu haw Satufɔɔ, Ghana

Nnwinnade a mfasoɔ wɔ so a wɔde bɛboa nkabom adwumayɛ

Yɛgyinaa yɛn nhwehwɛmu ne ɔmo a ɔmo de ɔmo ho hyɛɛ mu no nyansahyɛ ahodoɔ so kyɛrɛɛ akwan titire mmiensa a yɛbɛfa so adi akwansidɛɛ ahodoɔ a ɛmma wɔntumi nyɛ adwuma mbom wɔ nnipadua mu haw ne pɛyɛ a enni ho akuo no ntam no ho dwuma.

Saa akwan yi di nea edidi so yi ho dwuma

- hia a ehia sɛ wɔnya nneema a ɛfata
- adwuma a wɔhyɛ da yɛ keɛɛɛ
- nteaseɛɛ a wɔbɛhyɛ mu den wɔ nnipadua mu haw ne nkitahodie ho.

Sɛdɛɛ ɛbɛyɛ a yɛbɛhyɛ saa akwan yi ho nkuran no, yɛyɛɛ nnwinnade nsia. Afei yɛkyɛkyɛɛ nnwinnadɛɛ ne nhwehwɛmu no mu nɛm no kyɛrɛɛ wɔn wɔ da koro nhyiam ahodoɔ mmienu mu sɛdɛɛ ɛbɛyɛ a yɛbɛhu wɔn adwene.

Saa nnwinnadɛɛ wei rensiesie akwansidɛɛ ahodoɔ a yɛahu no nyinaa. Nanso ɛbeboa asatufɔɔ ma wɔadwendwene na wɔahwehwe nkabom dwumayɛ mu na wɔde adwene a mfasoɔ wɔ so aboa adwuma a wɔbenbɛn ho yɛ. Yɛhyɛ adwumayɛfɔɔ nkuran sɛ wɔnsusuw nneyɛɛɛ foforɔ a wɔbɛtumi ayɛ de aka saa nnwinnadɛɛ yi a wɔde bedi dwuma no ho. Yɛnam nɛm, blog ne video ntiantiaa so de nsusuwii ahodoɔ ma a wɔde bedi dwuma aka nnwinnadɛɛ no ho.

Nnwinnadee nsia a wode boa nkabom adwuma



1. Sikasem nyehyee a ede obiara ka ho: Wdaye saa adwinnadee yi ama ahyehyede ahodo ma woreye won adwuma ho sikasem nyehyee. Ekyere nneema titire a ese se eka sikasem nyehyee ho fi mfitiase pee, se wode Nnipa a wowa nnipadua mu haw beka ho na wahye won nkabom a nteasee wom no mu den.

2. Dwumadie a ema obiara ka ho na wonya mu kwan: Wei ye se yebewe ahu se firi mfitiase no, yede obiara aka nsem a esisi, nyiamu ne dwumadie aforo ho. Eho hia se wbesusuw, de obiara aka nyehyee, dwumadie ne nhwehwemu biara mu. Ahyehyede biara betumi de nhwehwemu kratasin yi adi dwuma de ahwe se wbehye da de obiara aka ho. Ebye mfasodee ama dwumadie anaa nyiamu biara a wope se nnipa ahodo a wadi afra de won ho hye mu.

3. Nkitahodie akwankyerɛ a obiara wo ho kwan bi: Yen nhwehwemu no huu se enye bere nyinaa na wwsusuw Nnipa a wowa nnipadua mu haw ho wo kwan a nteasee wom so wo ahyehyede ahodo no mu ne akyire nkitahodie mu. Saa adwene a wwsusuw ho yi beye asetena mu atentrenee ho asem. Efise, ekyere se ebia Nnipa a wowa nnipadua mu haw rentumi nnya nsem a wkye no bi. Saa akwankyerɛ yi bekyere wo sedee wobema nkrataa nyehyee ne digyital nkitahodie ho no aye yie na obiara nsa aka bi. Eisan nso hwehwe sedee wwsusuw afa ahodo a efa ananmusifo, pene a wpene so, ne gyinaesie ahodo a efa nea wreka n'asem no ho ne sedee wobeka saa nsem yi ho.

4. Dabere a nteasee wom akwankyerɛ: Yen nhwehwemu no kyere se bere a ahyehyede ne adwumayefo pii pe se wode Nnipa a wowa nnipadua mu haw ka ho no, eto mmere bi a, wwnim kwan a wbeba so de mmoa a efata ama. Mpen pii no, se woye nsakrae a nteasee wom a, wotaa de won adwene si honam fam akwanya a wbenya so, na wagyaw dabere ahodo a eho hia. Ebi te se mmoa a wode ma nnipa a wowa nnipadua mu haw wo adwene ne nneye ne honam mu haw aforo mu.

Saa akwankyerɛ yi kyere nea enti a eho hia se wonya dabere a nteasee wom. Eisan nso ma sedee ete ho nhwesoo ahodo.

5. Ankasa nnipadua mu haw nhwehwemu adwinnadee: Wdaye wei se ebeba ahyehyede ahodo ma wahwehwe won mprempren gynabea, se eba no se wode Nnipa a wowa nnipadua mu haw ka ho a. Na afei wdaye nyehyee ape akwan ahodo a wbeba so de obiara aka ho keese. Wobetumi de adi dwuma wo w'ahyehyede ho aboa w'akwantu a wahye asee se wode obiara beka ho no. Se mpo afei na wafi asee resusuww saa nsem yi ho, anaase wofi Nnipa a wowa nnipadua mu haw ahyehyede bi a wope se wode akuo pii a wato won hintidua ka won dwumadie ho a, ebeba wo.

6. Akwankyerɛ a efa gynabea ho nyiam ahodo ho: omo a omo de omo ho hye mu no kyee osuahu pii a efa tumi a enye pe, nsenkyerennede akwan a wfa so de won ka ho ne akwanmmone nkabom adwuma nneye ho. Saa akwankyerɛ yi beba wo ama woahu saa tumi a enkari pe yi ansa na nkabom adwuma biara ahye asee, na ama obiara anya akwanya ahunu na wadi ho dwuma. Se ebia wofe ayonkofa foforo ase anaase wofe mmoden se wbehye nea ewo ho dedaw no mu den a, akwankyerɛ yi ma wonya baabi susuw akwanhwe, asede ne mmeae a ebetumi ahye wo so ho.

“Eno na yekyerɛ se ‘biribiara nni ho ma yen se yenka ho a’. Se mope se moye biribi ma yen a, bisa yen na hu kwan pa a wobetumi afa so de aboa yen, sen se wbesusuw anaa wobedwene se kwan a mofa so ye biribi ma yen no ne kwan pa nkutoo a wobetumi afa so aboa yen.” - Nnipadua mu haw Satufɔ, Ghana

Nsemfua nkyerɛaseɛ



Honam mu haw animhwɛ: ɛyɛ gyidie ahodoɔ a adi ma nnipa a wɔn honam nni haw biara na wɔsusu sɛ wɔyɛ papa sen wɔn a wɔwɔ nnipadua mu haw no. Yɛhu wei wɔ yɛn amammɛrɛ nhyɛhyɛɛ mu, mmara, adwene ahodoɔ ne sɛnea wɔyɛɛ yɛn adan no mu. Nnipadua mu haw animhwɛ de nyiyimu ba na ɛmma wontumi mfa wɔn ho nhyɛ bibiaa mu. Ɛne nneɛma aforɔɔ a ɛntɛɛ nso bɔ abusua. Ebi te sɛ; w'atipɛnfɔɔ, wɔ honam ani hwɛbea, anaa w'amammɛrɛ so bu wɔ atɛn.

Akwanya: Wei ne sɛ wɔbɛyi akwansidie a ɛsi ɔmo a ɔmowɔ nnipadua mu haw ho kwan, sɛ, wontumi mfa nneɛma bi nni dwuma no a fi ho. Ɛhwɛ hu sɛ obiara bɛnya kwan a ɛfata na ɛyɛ nokorɛ na wɔde wɔn ho ahyɛ dwumadie, adwuma, anaa ɔsom biara mu bi pɛpɛɛpɛ. Saa akwansidie ahodoɔ yi bɛtumi ayɛ honam fam, asetena, amammɛrɛ, suban, sikasɛm, anaa mfiridwuma. Nneyɛɛ a wɔde di akwansidie so nkunim ho nhwɛsoɔ bi ne; nsemfua a ɛnyɛ den sɛ wɔbɛkenkan, nkrataa ahodoɔ a kɔmputa tumi kenkan, kasa nkyerɛase ma nnipa a wontumi nte asem anaa nkasa, kwan a ɛyɛ tratraa, lɔrefa ho tua. Hwɛ 'Dabɛrɛ a ɛdi mu.'

Ɔsatufɔ: yɛ obi a ɔno nkutoo anaa ɔne kuw bi yɛ adwuma, de kyekyɛ ade a wɔbom yɛ na wɔpia botae pɔtɛɛ bi. Obiara a ɔyɛ adwuma de hwɛhwɛ asetena mu atɛntɛnɛɛ anaa nnipadua mu haw atɛntɛnɛɛ bɛtumi ayɛ ɔsatuni. Dwumadie yi nso hwɛhwɛ sɛ wɔbɛkamfɔ wɔn ho. Wei ne bɛrɛ a obi kamfɔ n'ankasa akwan ne n'ahiade ahodoɔ na onya nneɛma so nsunsuanso wɔ kwan a ɛso bɛba mfaso na adi aforɔɔ ahiade ho dwuma nso. Nhwɛsoɔ; Sɛbe, obi a ontumi nhu anaa nte asem yie na ɔhyɛ ne sukuu anaa suapon nkuran sɛ wɔmfɔ nneɛma a wɔde bedi dwuma wɔ ɔkwan a ɛyɛ mmɛrɛ so mmra. Wei boa wɔn ho ne aforɔɔ a wɔwɔ ɔhaw korɔ no ara.

Nkabom adwuma: ɛkyɛrɛ ne sɛ wo ne obi bɛbom ayɛ adwuma. Wɔ saa nhwɛhwɛmu yi mu no, nkurɔfɔɔ te ase sɛ, ɛsɛsɛ wɔbom yɛ adwuma wɔ akuo ne mmusua ahodoɔ mu. Wɔyɛ wei de si nneyɛɛ a ɛntɛɛ ne nhyɛsoɔ ano na wɔahwɛ ahu sɛ wɔnnɔyi obiara mfiri mu anaasɛ wɔnsi obiara kwan. Nkabom adwuma yɛ ade a ɛko so daa.

Ɛkyɛrɛ sɛ yɛbɛbom ayɛ adwuma wɔ anammɔn biara a yɛbɛtu. Wɔfi ase pɛ hunu ɔhaw no na afei wɔasi gyinae sɛ ebia nhyɛhyɛɛ anaa nsiesie no yɛɛ adwuma a. Sɛ wɔbom yɛ adwuma wɔ ɔkwan a ɛfata so a, ɛhyɛ nyiyimu ne tumi a ɛnyɛ pɛ no nsow. Ɛyɛ adwuma de siesie nneɛma a asisie wɔ mu na ɛma obiara a ɔde ne ho hyɛ mu no nya ahotɔsoɔ.

Honam mu haw/Nnipadua mu haw: Saa asemfua yi wɔ nkyerɛase ahodoɔ pii na ɛfa nnipa ahodoɔ pii ho. Amanaman Nkabom mmara a ɛfa akwanya ahodoɔ ma Nnipa a wɔwɔ nnipadua mu haw ho no (UNCRPD) si so dua sɛ saa asemfua yi sakra bɛrɛ nyinaa. UNCRPD ka sɛ nnipadua mu haw ba bɛrɛ a obi suban ne nneɛma a atwa yɛn ho ahyia, ne asetena mu haw ahodoɔ anaa honam fam akwansidie di nkitahodie. Saa ɔhaw ahodoɔ yi si wɔn kwan sɛ wɔde won ho bɛhyɛ biribi mu na wɔanya akwanya a ɛfata te sɛ obiara. Yɛhu sɛnea nnipadua mu haw gu ahodoɔ, ne sɛnea ankɔrankorɛ kyɛrɛkyɛrɛ wɔn ankasa nnipadua mu haw mu.

Wɔfaa asemfua "honam mu haw" efisɛ ɛka nipasu soronko ahorow ho wɔ ɔkwan kɛsɛ mu, sɛ ɛfa honam, adwene anaa tebea ahorow a obi fa mu ho. Ɛtwe ne ho fi nsem a wɔtaa de di dwuma dada no ho, efisɛ ɛto da no, ɛma nnipa te nka sɛ wɔrebɔ wɔn animtiaa anaa wɔrehyɛ wɔn aniwu.

Yɛde asemfua 'nnipadua mu haw/ honam mu haw di dwuma efisɛ ɛka nnipadua mu haw ahodoɔ nyinaa ho asem. Ɛkyɛrɛ sɛ obi bɛtumi anya haw bi wɔ ne nipadua mu anaa ne nipadua fa bi mu. Nnipa a wɔwɔ nnipadua mu haw taa hyia nsɛnnɛnnɛn bi wɔ wɔn abrabɔ mu a ebɛtumi asi wɔn nipadua, atɛnka, anaa adwene mu dwumadi ano. Enti wobɛtaa ahu 'nnipa a wɔwɔ honam mu haw/ nnipadua mu haw' pii wɔ krataa yi mu efisɛ ɛno ne nkyɛrɛkyɛrɛmu a yɛtaa de di dwuma wɔ yɛn adesua no mu.

Ɛyɛ nkyɛrɛkyɛrɛmu a wɔtaa de di dwuma wɔ Afrika, Asia ne U.S. Ɛto da a, wɔ yɛn nhwɛsoɔ mu no, yɛka nnipadua mu haw ahodoɔ ho asem, wɔ abɛrɛ a yɛde nsemfua a nnipa a wɔwɔ yɛn adesua mu no ani gye ho paa di dwuma. Nnipa a wɔwɔ nhwɛhwɛmu yi mu de 'adwene ne asetena mu haw' dii dwuma sɛ edin a wɔde frɛ adwenemyare biara. Wiase nyinaa nnipadua mu haw kuo no de asemfua "nnipa a wɔwɔ nnipadua mu haw" di dwuma. Eyi nso ne nsemfua a wɔde di dwuma wɔ UNCRPD mu.

UK akuo ahodoɔ de asemfua “honam mu haw” di dwuma de si so dua se ɔmanfo akwansidie ahodoɔ na emmoa won a wɔwɔ nnipadua mu haw . Wei fi asetena mu nhwesoo a efa honam ho haw ho no mu. Saa nhwesoo yi bu obi akwahosan tebea ne ne nnipadua mu haw se nneema mmienue a esono emu biara. Eha yi, mreɛ kyere nipadua ne adwene mu tebea ahodoɔ, enahonam mu haw kyere ɔkwan a ɔmanfo gyegye saa tebea ahodoɔ no so wɔ nyiyim mu. Asetena mu nhwesoo no si so dua se asem a ese se wɔdi ho dwuma na wosiesie no gyina ɔman no so, se wɔbegyae nyiyimu, sen se wɔbesakra nnipa a wɔwɔ nnipadua mu haw

Nea wɔde di dwuma ɔkwammone so ma

w’ankasa mfaso: Wɔ honam mu haw tebea mu no, wei ye bere a aforɔ nya mfasoo firi Nnipa a wɔwɔ nnipadua mu haw ho nsem, won adwuma ne won tebea. Nhwesoo; akuo anaa ahyehyede bi de Nnipa a wɔwɔ nnipadua mu haw osuahu ahodoɔ di dwuma de nya sika, nanso Nnipa a wɔwɔ nnipadua mu haw no nnya mfaso biara anaase mfaso kakraa bi mpo mfi dwumadie no mu. Anaase nnipadua mu haw ahyehyede/ akuo bi betumi ne adwuma bi abɔ feku nanso na wonkura ɔkannifo dibeaa biara. Nnipa a wɔwɔ nnipadua mu haw adwuma ne won nimdee a wɔde di dwuma ɔkwammone so no betumi asi wɔ adwuma biara mu, a nea eka ho ne nsem a wɔka de gyina akyi, nhyehyee ne nhwehwemu adwuma. Wɔbetumi de Nnipa a wɔwɔ nnipadua mu haw adwuma ne won nimdee adi dwuma ɔkwammone so wɔ nnwuma pii mu, ebi te se; ɔsatuo, nhyehyee, ne nhwehwemu adwuma.

Ho Nhyemu: Eyi kyere mmeae a nnipa a wɔwɔ nnipadua mu haw , anaa akuo aforɔ a wɔato won hintidua, wɔ ho na wɔde won ho hye adwuma mu yie, wɔ ntease kwan so. Ebi ne; akannifo dwumadi ne gyinaesie ahodoɔ a wonya so nsunsuanso. Wei sen se wɔɛba ho keke. Ekyere se wobeyi honam fam, suban, asetena, sikasem, amammuisem, ne akwansidie aforɔ a emma nkurɔfo ntumi mfa won ho nhye mu no a fi ho. Nneema a atwa yen ho ahyia a ema obiara de ne ho hye mu bi no sesa ma edi nkurɔfo ahiade ne nneema a eho hia a eresakra no ho adwuma.

Pɛye a enni ho: Nsonsonoe a ewɔ nhyehyee, sikasem, amammuisem, amammere, asetena mu nsonsonoe a entee a ewɔ nsunsuanso bone wɔ akwanya ahodoɔ, nneema papa a wɔbenya ne se wɔde won ho behye dwumadie bi mu. Ebia nkurɔfo nso behyia pɛye a enni ho enam obuoa a wonni anaa animtiaabu a wonni so, na enye nneema a wɔkyekye pɛ keke. Ebia nso wobetumi anya ananmusifo ne nsunsuanso a enye pɛ wɔ gyinaesie nhyehyee ahodoɔ so.

Dee wɔhye da: Wɔ adesua yi mu no, wei kyere mmɔden a wɔhye da bɔ de hwɛ se oibara de ne ho behye biribiara mu bi. Nneyee a wɔhye da ye no kɔ akyiri sen nsenkyerennede ahodoɔ. Wɔhwɛhwe kyefa ne adesua a wonya ho mfaso. Wɔhu nsusuwii ahodoɔ a ahintaw na wɔdi akwansidie ahodoɔ a emma wontumi mfa won ho nhye mu ne baakoye ho dwuma.

Nkitahodie: Asemfua yi kyere baabi a nneema mmienue hyia. Eɛ adwene a ene se obi betumi anya nhyesoo ahodoɔ te se mmusua nyiyimu, bɔbeasu mu nyiyim ne Nnipadua mu haw animhwe enam ne nipasu nti. Ntamgyinafo hu se nhyesoo ahodoɔ ne won ho won ho di nkitaho. Nhyesoo ahodoɔ pii a obi nya no ma onya osuahunu pɔtee bi ma ne ho. Wei nye nhyesoo ahodoɔ a wɔbobo din keke. Mmom no, efa senea nhyesoo ahodoɔ ye adwuma, nea won nkitahodi ye ne senea wɔbom de osuahu soronko a wobete ase no ba. Nea eho hia ne se, ehye yen nkuran se yensusuw saa nsennennen yi ho bere a yeredi pɛye ho dwuma. Efise nhyesoo baako pɛ a wɔde won adwene besi so no betumi ayi nnipa a wohyia ɔhaw ahodoɔ afiri mmoa pii mu.

Akuakuo: Wei ye ahyehyede ne ankorankore a wɔbom de botae baako di ntɛnkyea ntini ho dwuma. Wɔ saa adwinnade yi mu no, “akuokuo” kyere mmɔdenbɔ a wɔbom de nneema di dwuma de di atɛntrenee akyi. Mpɛn pii no, ehia ma wɔkyekye nkitahodi ahodoɔ a wɔbom ye. Wɔye apam na wɔboaboa nneema ano de du won botae ahodoɔ ho.

Nnipa a wɔwɔ nnipadua mu haw dwumakuo:

Eyi yɛ kuo a Nnipa a wɔwɔ nnipadua mu haw na wɔhwɛ so. Etaa kamfo asetena mu atɛntrenee ma Nnipa a wɔwɔ nnipadua mu haw kyerɛ. Ɛto da a, wɔfrɛ saa dwumakuo ahodoɔ yi sɛ ‘akannifo a wonya so mfaso.’ Wei kyerɛ sɛ akannifoɔ na wɔwɔ kuo no mu no ara na wonya ahɛhyɛde no dwumadie so mfaso. Nhwɛsoɔ; mmea a wɔdi ahɛhyɛde a ɛhwɛ mmea akwanya ahodoɔ so anim.

Kyɛfa: Kyɛfa yɛ bere a onipa anaa kuo bi de ne ho hyɛ asetena mu nhyehyɛɛ bi mu, te sɛ ɔmanfoɔ nhyehyɛɛ. Kyɛfa a ntease wom ne dee ɛyɛ nokorɛ, na ɛnyɛ nsenkyerɛnne kwan so de. Kyɛfa a ntease wom hwɛhwɛ sɛ wɔdi akwansidie ahiade ne tumi a ɛnkari pɛ ho dwuma. Ɛkyerɛ nso sɛ wɔbeyi akwansidie ahodoɔ a asi wɔn kwan sɛ wɔ de wɔn ho bɛhyɛ mu ne pɛyɛ a enni ho afiri ho. Kyɛfa yɛ akwanya ne ahwɛhwɛdeɛ titirie a ɛho hia ma asetena mu atɛntrenee ma amansan nyinaa.

Gyinabea: Wei fa sɛ wobɛdwene w’asetena mu nipasu ho de ate sɛnea ɛhyehyɛ w’adwene, nimdeɛ, mfasoɔ anaa ɔhaw ahodoɔ, ne tumi a wobɛnya no ase. Gyinabea bisa ankorankorɛ ne ahɛhyɛdeɛ ahodoɔ nkuran sɛ wonsusuw nnipa ko a wɔyɛ ne sɛnea eyi nya wɔn adwuma ne nimdeɛ so nsunsuanso. Gyinabea a obi wɔ no si so dua sɛ asetena mu nipasu ahodoɔ bi te sɛ ɔbaa, ɔbarima, onipa a wɔwɔ nnipadua mu haw , bɛtumi akura tumi anaa obuo kɛsɛɛ anaa kakraa bi. Saa nsonsonoe ahodoɔ yi ma ɛyɛ mmerɛ akuo bi sɛ wobɛte akuo bi asem na wɔanya nsunsuanso sen aforɔɔ. Saa pɛyɛ a enni ho yi a wobedi ho dwuma no yɛ ade titire a ɛbɛma wɔayɛ baako, etu mpon.

Tumi ahodoɔn: Ɔkwan a wɔfa so kyekyɛ tumidi, nne, nneɛma ne akwanya ahodoɔ wɔ tebea bi mu. Ɛnyɛ bere nyinaa na wɔtumi hu tumi mu nkɔso, nanso wobɛtaa ahu ɛnam nea ɔde nhyehyɛ ahodoɔ sisi ho na ɔhwɛ sika ne nsem a wobɛnya so na wobɛsusuw ho no so. Akwan a wɔkyekyɛ nneɛma ne akwanya ahodoɔ no nya nsunsuanso wɔ tumi mu nkɔsoɔ so. Nhwɛsoɔ; nwomasua a akuo binom bɛtumi anya no bɛtumi anya tumi a wobɛnya akyiri no so nsunsuanso.

Dabere a ɛdi mu: Wei kyerɛ akwansidie ahodoɔ a wɔbeyi afi ho na ama Nnipa a wɔwɔ nnipadua mu haw de wɔn ho ahyɛ biribiara mu bi bɔbeasu mu nyiyim sɛnea ɛte wɔ UNCRPD mmara mu no. Sɛ ɛbɛtu mpon a, ɛsɛ sɛ dabere a ɛdi mu ko akyiri sen mfidwuma mu nsiesie na akasa atia asetena mu su ne nhyehyɛ ahodoɔ a ɛde akwansidie ahodoɔ ba Nnipa a wɔwɔ nnipadua mu haw so. Ɛsɛ sɛ wɔbu nnipa a wɔwɔ honam mu haw ne kwan a wɔwɔ sɛ wɔpaw nneɛma abere nyinaa. Nhwɛsoɔ: Sɛ ɛba no nnipa a sɛbe, wontumi nte asem anaa nkasa a, ɛsɛ sɛ wɔde kasa asekyerefo a wɔpɛ no di dwuma bere biara a ebetumi ayɛ yiye.

Animtiaabu: Eyɛ kyerɛ asetena mu adwene a ɛntɛɛ ne adwemmɔne a ɛbata nipasu ahodoɔ bi ho. Nhwɛsoɔ; obi ɔwɔ honam mu haw bɛtumi ahyia animtiaabu esiane ne honam mu haw nti.

Nhyehyɛ: Ɛyɛ nhyehyɛ a ɛkyerɛ nnipa asetena ne kwan a wɔbɛfa so anya nneɛma, akwanya anaa nnwuma a ɛnyɛ wɔn ankasa gyinaesie anaa nneyɛɛ. Nhwɛsoɔ bi ne mmara, nhyehyɛɛ, ne ahɛhyɛdeɛ nneyɛɛ.

Ahyɛhyɛde: Ɛkyerɛ nhwɛsoɔ ahodoɔ a efi sɛnea nhyehyɛɛ bi afa ahodoɔ di nkitaho. Sɛ mmara, nhyehyɛɛ, ne ahɛhyɛde ahodoɔ de nneɛma koro ba bere nyinaa a, wɔbu nea efi mu ba no sɛ ɛyɛ nhyehyɛɛ. Nhwɛsoɔ; sɛ ahɛhyɛde bi taa yi Nnipa a wɔwɔ nnipadua mu haw firi mu esiane sɛnea ɛyɛ adwuma nti a, wɔfrɛ saa’ nyi firi mu’ no nhyehyɛɛ.

Nsenkyerɛnnede: Eyɛ ne bere a wɔde nnipa kuo bi aka biribi ho anaase wɔma wɔn dwene sɛ wɔde wɔn aka ho nanso na wonni tumi mpo. Ɛyɛ bere a nkurɔfoɔ wɔ ho nanso wonni nsunsuanso ankasa biara wɔ gyinaesie ahodoɔ so. Ɛnyɛ bere nyinaa na wɔhyɛ da yɛ. Mmom no, ebetumi asi esiane mmɛyɛ wɔ nsem ntease ho, te sɛ nnipadua mu haw anaa tumi mu nkɔso nti. Sɛ yɛbedi tokenism ho dwuma a, yenhu sɛ obi de ne ho rehyɛ biribi mu, ɛnkyerɛ sɛ ɛbɛma wɔanya kyɛfa a nteaseɛ wom.

Animhwe a yen ani nna: Eyinom ye nsusuwii ahodoɔ anaa nsusuwii a wɔasua a eka senea yesusuw nneema ho, yeye yen ade anaa gyinaesie a yen adwene mpo nni so. Ebia efi yen ankasa suahu ahodoɔ, amammere, ntetee ne nsem a yehyia bere tenten mu. Esiane se yennim saa nneema yi nti, mpen pii no yenhu senea wonya yen gyinaesie ne nea yepaw so nsunsuanso. Animhwe a yen ani nna so betumi ama yeaye nea entee. Ebetumi akyere se yeye yen adee wɔ kwan a enye so na eko tia akuo bi anaase yeye yen adee yiye ma afoforo anigye.

Aseda



Saa nsem yi gyina nhumu a efiri asatufɔɔ a wɔde wɔn ho hye Nnipadua mu haw atɛntrenee ne pɛye a enni ho abusuabo “Connecting Disability Justice and Inequalities” nhwehwemu adwuma no mu wɔ Ghana ne Kenya. Yeda obiara ase wɔ ne ntoboa a esom bo no ho.

Yeda ase wɔ mmoa a nhyehyee kuo no de maa ye:

- Moses Fordjour, Ghana Federation of Disability Organisations
- Esther Mkamori, United Disabled Persons of Kenya
- Erick O. Sande, United Disabled Persons of Kenya
- Prof Wisdom Kwadwo Mprah, Kwame Nkrumah University of Science and Technology

Aseda piesie nso nko ma nhwehwemu kuo no: Edward Adiibokah, Lyla Adwan-Kamara, Perpetual Kariuki, Betty Mulavi, Philippa Mullins, Fredrick Ouko, Lionel Sakyi, Liz Sayce, Hamidreza Vasheghanifarahani.

Sika mmoa a efi Atlantic Fellows for Social and Economic Equity (AFSEE) programme no mu a ewɔ International Inequalities Institute wɔ London School of Economics and Political Science na emaa eyee yie ma wɔtumi de saa nhoma yi too dwa.

Atlantic Fellows

FOR SOCIAL AND
ECONOMIC EQUITY

